



Broj: 12-02-04-8-6506-4/24

Datum: 04.10.2024. godine

Ministarstvo sigurnosti Bosne i Hercegovine, postupajući po žalbi lica Sanina Smječanina, rođenog 13.05.1996. godine u Sarajevu, opština Centar, nastanjen u Sarajevu, ulica Kunovska, broj 2, opština Novi Grad, posjeduje ličnu kartu broj 2A0M0A70M, izdatu od strane MUP-a KS, Novi Grad, jedinstvenog matičnog broja 1305996170062, podnesenoj na Rješenje Granične policije BiH o odbijanju zahtjeva za izdavanje dozvole za kretanje i zadržavanje lica na Međunarodnom aerodromu Sarajevo broj 17-16-3-04-4033/24 od 13.08.2024. godine, na osnovu člana 20. stav (5) Zakona o graničnoj kontroli („Službeni glasnik BiH“ br. 53/09, 54/10 i 47/14) i člana 193. Zakona o upravnom postupku (Službeni glasnik BiH br. 29/02, 12/04, 88/07, 93/09 i 41/13) donosi

R J E Š E N J E

Odbija se žalba na Rješenje Granične policije BiH broj: 17-16-3-04-4033/24 od 13.08.2024. godine

O b r a z l o ž e n j e

Rješenjem Granične policije Bosne i Hercegovine, Tercnski ured za aerodrome, Jedinice granične policije aerodrom Sarajevo broj: 17-16-3-04-4033/24 od 13.08.2024. godine, odbijen je zahtjev za izdavanje dozvole za kretanje i zadržavanje lica na Međunarodnom aerodromu Sarajevo, za lice Sanin (Huso) Smječanin, uposleniku J.P. Međunarodni aerodrom „Sarajevo“ d.o.o. Sarajevo na poslovima konobar.

Ministarstvu sigurnosti Bosne i Hercegovine je dana 05.09.2024. godine, putem Granične policije BiH dostavljena žalba lica Sanina Smječanina, izjavljena na gore navedeno rješenje Granične policije BiH.

U skladu sa članom 20. stav (5) Zakona o graničnoj kontroli („Službeni glasnik BiH“ br. 53/09, 54/10 i 47/14), Ministarstvo sigurnosti Bosne i Hercegovine je kao drugostepeni organ, cijeneći navode žalbe izjavljene na navedeno rješenje, utvrdilo da je žalba dopuštena, blagovremena i izjavljena od strane ovlaštenog lica.

Podnositelj žalbe, Sanin Smječanin naveo je da je žalbu izjavio jer smatra da je donošenjem Rješenja Granične policije BiH došlo do kršenja osnovnih ljudskih prava i sloboda zagarantovanih Evropskom konvencijom o zaštiti ljudskih prava i osnovnih sloboda, kao i Ustavom BiH, jer mu nisu saopšteni razlozi zbog kojih on predstavlja sigurnosnu prijetnju i zbog čega mu se ne može izdati dozvola, čime je povrijeđeno njegovo pravo na pravično suđenje iz člana 6. stav (1) i (3), tačka a) Evropske konvencije o zaštiti ljudskih prava i osnovnih sloboda, a samim tim i da mu je povrijeđeno pravo na odbranu, odnosno pružanje odbrane.

Ministarstvo sigurnosti Bosne i Hercegovine je razinatrlo navode u žalbi lica Sanina Smječanina, te kako bi imalo kompletan uvid u vođenje prvostepenog postupka i donošenje prvostepenog rješenja zatražilo je aktom broj: 12-02-04-8-6506-2/24 od 06.09.2024. godine, dostavljanje cjelokupne dokumentacije prvostepenog postupka od strane Granične policije Bosne i Hercegovine, kao i dostavljanje akta Obavještajno sigurnosne agencije Bosne i Hercegovine, označenog sa stepenom tajnosti, Sektoru za zaštitu tajnih podataka, Ministarstva sigurnosti BiH, u kojem je naveden razlog, zbog čega za lice Sanina Smječanina postoje osnovani ralози za sumnju da predstavlja sigurnosnu prijetnju.

Nakon uvida u cjelokupan spis predmeta, odnosno uvida u Rješenje Granične policije BiH, Jedinice Granične policije Aerodrom Sarajevo o odbijanju zahtjeva za izdavanje dozvole za kretanje i zadržavanje lica na Međunarodnom Aerodromu Sarajevo broj: 17-16-3-04-4033/24 od 13.08.2024. godine, kao i uvidom u dostavljeni akt Obavještajno sigurnosne agencije Bosne i Hercegovine broj: I-04/8/1-7-7456/24-PR od 29.07.2024. godine, označenog sa stepenom tajnosti, u Sektoru za zaštitu tajnih podataka, ovog ministarstva, te također i u drugu priloženu dokumentaciju, utvrđeno je da postoje osnovani razlozi za sumnju da lice Sanin Smječanin predstavlja sigurnosnu prijetnju i da bi se izdavanjem dozvole za kretanje i zadržavanje na međunarodnim aerodromima u Bosni i Hercegovini ugrozila njihova sigurnost, u skladu sa članom 16. stav (1) tačka (f) Pravilnika o izgledu, sadržaju, uslovima i postupku izdavanja i oduzimanja dozvola za kretanje i zadržavanje lica na međunarodnim aerodromima („Službeni glasnik BiH“, broj 13/11, 77/13 i 85/17).

U vezi s naprijed navedenim, smatramo da je Granična policija Bosne i Hercegovine u skladu sa članom 20. stav (4) Zakona o graničnoj kontroli („Službeni glasnik BiH“ br. 53/09, 54/10 i 47/14), kao i u skladu sa članom 16. stav (1) tačka (f) Pravilnika o izgledu, sadržaju, uslovima i postupku izdavanja i oduzimanja dozvola za kretanje i zadržavanje lica na međunarodnim aerodromima („Službeni glasnik BiH“, broj 13/11, 77/13 i 85/17), donijela ispravno i na zakonu zasnovano rješenje. Ministarstvo sigurnosti Bosne i Hercegovine, također nije u mogućnosti navesti razloge sigurnosne prijetnje za lice Sanin Smječanin, s obzirom da je u aktu Obavještajno sigurnosne agencije Bosne i Hercegovine izričito navedeno da je dostavljeni akt označen stepenom tajnosti, te se ne smije stavljati na raspolaganje drugim korisnicima bez prethodne pismene saglasnosti rukovodioca organa, koji je odredio stepen tajnosti.

Bitno je naglasiti, da Ministarstvo sigurnosti Bosne i Hercegovine i Granična policija Bosne i Hercegovine, nemaju zakonsku mogućnost da vrše ocjenu činjenica utvrđenih od strane Obavještajno - sigurnosne agencije, čiji su rad i ovlaštenja uređeni Zakonom o obavještajno – sigurnosnoj agenciji („Službeni glasnik BiH“ br. 12/04, 20/04, 56/06 i 12/09), te u skladu sa članom 5. ovog zakona, Agencija je odgovorna za prikupljanje obavještajnih podataka, u vezi sa prijetnjama po sigurnost Bosne i Hercegovine, kako unutar tako i van Bosne i Hercegovine, njihovo analiziranje i prenošenje ovlaštenim zvaničnicima i tijelima, s ciljem pružanja pomoći ovlaštenim službenim osobama, kako je definisano Zakonom o krivičnom postupku u Bosni i Hercegovini, te ostalim nadležnim tijelima u Bosni i Hercegovini, kada je to potrebno radi suzbijanja prijetnji po sigurnost Bosne i Hercegovine.

Ministarstvo sigurnosti Bosne i Hercegovine i Granična policija Bosne i Hercegovine, nisu u mogućnosti u svojim rješenjima obrazložiti razloge sigurnosne smetnje, zbog činjenice što bi se otkrivanjem povjerljivih podataka moglo naštetiti ispravnom djelovanju i izvršavanju zadaća Obavještajno - sigurnosne agencije u okviru provođenja sigurnosnih provjera, radi zaštite identiteta zaposlenika Obavještajno – sigurnosne agencije, tajnih saradnika, osoba koje pomažu obavještajno – sigurnosnim agencijama i drugih izvora podataka, kao i radi zaštite načina na koji je podatak prikupljen.

Također, Sud Bosne i Hercegovine u ranijim presudama, vezanim za ustanovljene sigurnosne smetnje od strane Obavještajno – sigurnosne agencije zauzeo je isti stav.

Imajući u vidu navedeno, Ministarstvo sigurnosti BiH u skladu sa odredbama člana 228. stav (1) Zakona o upravnom postupku (Službeni glasnik BiH broj 29/02, 12/04, 88/07, 93/09 i 41/13) odbija žalbu kao neosnovanu, kako je to i odlučeno u dispozitivu ovog rješenja.

Pouka o pravnom lijeku:

Ovo rješenje je konačno u upravnom postupku, te se protiv rješenja ne može izjaviti žalba, ali se može pokrenuti Upravni spor pred Sudom Bosne i Hercegovine u roku od 60 dana, od dana zaprimanja ovog rješenja uz dostavljanje dva istovjetna primjerka tužbe i dokaz o uplaćenju administrativnoj taksi.

Dostaviti:

1 x Granična policija BiH

1 x a/a

